

## Аллоҳнинг ҳузурида халойиқнинг энг ёмони

Image not found or type unknown



18:00 / 15.08.2021 3277

هُلِّلَا يَلَّصِ هَلِّلَا لُؤْسَرِلْ تَرَكَ ذَمَّ لَسِّمْ أُنَّ أَوْ نَعُ هَلِّلَا يَضَرَّ شَيْءٌ نَعُ  
هُلْ تَرَكَ دَفُّهُ يَرَامُ أَوْلُ لُقِيَّ شَبَّحَلَا ضَرَّ أَبِ أَوْ تَارَةً سِيَنَكَّ مَّ لَسَّ وَ هَيْ لَعُ  
مُوقَّ كَيْلُؤُ : مَهْنَعُ هَلِّلَا يَضَرُّ هَلِّلَا لُؤْسَرِلْ لُقِيَّ رَوْصَلَا نَمُ أَوْ يَفُ تَارَامُ  
أَيْحَسَمَ وَرَبَّقُ يَلَعُ أَوْ نَبُّ حُلَّصَلَا لُجَّرِلَا وَأُحُلَّصَلَا دُبَّعَلَا مَهْيَفُ تَامُ إِذَا  
يَلَّعَتِ هَلِّلَا دُنَّ عَقْلُحَلَا رَارَشُ كَيْلُؤُ ، رَوْصَلَا كَلَّتِ هَيْفُ أَوْ رَوْصَوُ

Оиша розияллоху анҳодан ривоят қилинади:

«Умму Салама Набий соллаллоху алайҳи васалламга Ҳабашистон ерида Мория деб аталадиган черковни кўрганлигини ва унинг ичида суратлар кўрганлигини зикр қилди. Шунда Расулуллоҳ соллаллоху алайҳи васаллам:

«Ана ўшалар ичларидан солиҳ банда ёки солиҳ киши ўлса, унинг қабри устига масжид қуради ва ичига ўша суратларни солар эдилар. Ана ўшалар

Аллоҳ таолонинг ҳузурида халойиқнинг энг ёмонларидир», дедилар».

Шарҳ: Умму Салама онамиз биринчи эрлари Абу Салама ва бир гуруҳ мусулмонлар билан бирга, Ҳабашистон ерларига ҳижрат қилган эдилар. Ўша вақтда Ҳабашистон насроний юрт бўлиб, унга Нажоший исмли эътиқодли одам подшоҳлик қилар эди.

Шунинг учун ҳам Макка мушриклари зулмидан эзилган мусулмонларга Пайғамбаримиз соллаллоҳу алайҳи васаллам ўша жойга ҳижрат қилишни тавсия қилган эдилар.

Абу Салама розияллоҳу анҳу Мадинаи мунавварага қайтиб келганларидан кейин вафот этадилар. У кишининг қолган ёш болаларини тарбиялаш мақсадида Пайғамбаримиз соллаллоҳу алайҳи васаллам Умму Салама онамизга уйланадилар.

Кунлардан бир куни Умму Салама онамиз Ҳабашистон ерларида ўзлари кўрган Мория канисаси ва ундаги суратлар ҳақида Пайғамбаримиз соллаллоҳу алайҳи васалламга гапириб берадилар ва у зот соллаллоҳу алайҳи васаллам бу ҳадисни айтадилар.

Унда Пайғамбаримиз соллаллоҳу алайҳи васаллам насоролар канисасида одамларнинг суратлари қандай пайдо бўлганлики ва нима сабабдан улар ана шу суратларга ибодат қилишларини тушунтириб берадилар.

«Ана ўшалар ичларидан солиҳ банда ёки солиҳ киши ўлса, унинг қабри устига масжид қураб ва унинг ичига ўша суратларни солар эдилар».

Демак, аҳли солиҳ кишиларнинг номларини абадийлаштириш мақсадида қилинган нотўғри ишлар ибодатда ҳам адашувга сабаб бўлган.

Мазкур адашувнинг биринчи қисми солиҳ кишиларнинг қабрлари устига ибодатхона қуришдир.

Иккинчиси эса ибодатхона ичига солиҳ бандани эслаб туриш ниятида солинган суратлар бўлган. Кейин аста-секин, вақт ўтиши билан биринчи авлод мазкур суратларга ҳурмат билан қараётганини кўрган иккинчи авлод ўзидан бир оз қўшиб, учинчиси яна зиёда қилиб, охири уларга ибодат қилиш даражасига етишган.

Бу одат насороларда бугунги кунда ҳам давом этмоқда. Улар ўз ўлчовларидаги бир неча солиҳ кишилар ўлганларидан кейин уларнинг номларини кўтара-кўтара, охири муқаддас авлиё деб эълон қилишгача

бориб етдилар. Бошқа баъзиларини эса худди шундай даражага кўтариш учун ҳаракат қилмоқдалар.

«Ана ўшалар Аллоҳ таолонинг ҳузурида халойиқнинг энг ёмонларидир».

Шунинг учун уларнинг қилганларини қилмаслик керак. Солиҳ кишиларнинг қабрлари устига масжид қуриб олмаслик, ибодат қилинадиган жойларга жонзотларнинг суратларини қўймаслик керак.

**«Ҳадис ва ҳаёт» китоби асосида тайёрланди**